

MANFAAT MEDIUM DIGITAL

Motac sediakan 305 aktiviti seni budaya di seluruh negara

Program-program yang akan dilaksanakan ini di harap dapat membantu dan memberi suntikan semangat kepada pengiat seni budaya untuk terus menghasilkan karya-karya berkualiti dan terus bergerak ke hadapan demi kelangsungan hidup

DATUK SERI NANCY SHUKRI

Oleh Ridzuan Abdul Rahman
mohamadridzuan@
hmetro.com.my

Pandemik Covid-19 yang melanda seluruh dunia tidak menghalang Kementerian Pelancongan, Seni dan Budaya Malaysia (MOTAC) melalui Jabatan Kebudayaan dan Kesenian Negara (JKKN) merancang serta menganjurkan aktiviti kesenian dan kebudayaan untuk tahun ini.

Terbaharu, MOTAC mengadakan Majlis Apresiasi Seni JKKN 2021 secara atas talian dengan berkonsepkan revolusi industri digital 4.0.

Majlis dilancarkan Menteri Pelancongan, Seni dan Budaya Malaysia (MOTAC), Datuk Seri Nancy Shukri, yang turut dihadiri Ketua Setiausaha, Kementerian Pelancongan, Seni dan Budaya, Datuk Dr. Noor Zari Hamat, dan Ketua Pengarah, Jabatan Kebudayaan dan Kesenian Negara, Mesran Mohd Yusop.

Antara pengisian sempena majlis ini adalah pelancaran kalender JKKN 2021, pelancaran TV JKKN dan majlis penghargaan kepada 16 Badan Bukan Kerajaan (BBK) Seni Budaya yang terpilih.

Nancy berkata, penganjuran ini penting



NANCY menyampaikan ucapan pada majlis pelancaran Apresiasi Seni JKKN 2021 baru-baru ini.

sebagai usaha memartabat dan menyemarakkan aktiviti seni budaya di Malaysia.

"Walaupun Perintah Kawalan Pergerakan 2.0 (PKP) masih berkuatkuasa, program yang dilaksanakan ini sedikit sebanyak akan memberi kesan positif kepada sektor kebudayaan terutama buat

penggiat-penggiat seni yang kehilangan punca pendapatan akibat program antarabangsa terpaksa ditangguh dan kegiatan seni budaya turut terhenti.

"Pada tahun ini, JKKN akan melaksanakan Program Pelancongan Budaya membabitkan enam negeri iaitu Pesta Angin Timur, (Perlis), Festival Kesenian Rakyat Kelate, (Kelantan), Festival Kota Selatan, (Johor), Festival Permainan Malaysia, (Kuala Lumpur), Rhythms of Kinabalu, (Sabah) dan Festival Gendang (Sarawak).

"Bagaimanapun, program ini akan dilaksanakan secara dalam talian dan jika diizinkan Majlis Keselamatan Negara (MKN) dan kerajaan selepas Oktober nanti, program ini bakal dianjurkan secara fizikal tetapi mengikut prosedur operasi standard (SOP) yang ditetapkan," katanya.

Menurutnya, bagi memastikan kesinambungan pelaksanaan program, JKKN sudah mensasarkan penganjuran 305 aktiviti dan program seni budaya di seluruh negara dengan menggunakan medium menggunakan medium digital (media sosial) dan fizikal.

"Program-program yang akan dilaksanakan



NOOR Zari membentangkan perancangan jabatannya.

UCAPAN YBHG. DATO' DR NOOR ZARI BIN HAMAT KETUA SETIAUSAHA KEMENTERIAN PELANCONGAN, SENI DAN BUDAYA MALAYSIA

ini di harap dapat membantu dan memberi suntikan semangat kepada pengiat seni budaya untuk terus menghasilkan karya-karya berkualiti dan terus bergerak ke hadapan demi kelangsungan hidup.

"Pada ketika ini, penggunaan teknologi digital adalah pendekatan yang paling efektif dalam menyebarkan maklumat dan melaksana aktiviti seni budaya secara maya.

"Kelebihan medium digital ini di harap mampu dimanfaatkan oleh pemain industri seni budaya. Ia adalah cabaran baharu

dan peluang untuk terus berkarya dalam keadaan ruang yang lebih luas dan terbuka," katanya.

Nancy juga berharap golongan penggiat dan pemain industri seni budaya tidak berputus asa dan dapat menerima serta menyesuaikan diri mengikut norma baharu dalam melaksanakan setiap aktiviti.

"Ia adalah adaptasi baharu yang perlu diterima oleh kita semua dan diamal sentiasa dalam usaha memastikan industri ini terus berjalan dan disemarakkan," katanya.



DARI kiri Noor Zari, Nancy, Mesran dan Setiausaha Bahagian Kebudayaan MOTAC, Dr Tan Awang Besar.



MESRAN (dua dari kanan) bersama Timbalannya Mohd Amran Mohd Aris (paling kanan) dan Pengarah JKKN Wilayah Persekutuan Kuala Lumpur, Nurwati Abdul Wahab serta Timbalan Ketua Pengarah (Dasar & Perancangan) JKKN, Salehuddin Md Salleh (dua dari kiri).